

# 中華全國風俗志 上篇卷五

## ▲湖北

### ●總志

荆楚歲時記。於元懷武昌土俗。編自季宣。以今驗之。或不盡如古所云。風俗與化移易。未可註也。茲仍載前代以來舊聞遺俗。用資考鏡云。

西楚俗剽輕。易發怒。地薄。寡於積聚。史記貨殖傳

楚有江漢川澤山林之饒。江南地廣。或火耕水耨。民食魚稻。以魚獵山伐爲業。果蓏贏蛤。食物常足。故此處穠偷生。而亡積聚。飲食還給。不憂凍餓。亦亡千金之家。信巫鬼。

重滯祀。漢書地理志

自晉氏南遷之後。南郡襄陽。皆爲重鎮。四方湊會。故益多衣冠之緒。稍尙禮義經籍焉。江夏竟陵安陸。各置名州。爲藩鎮重寄。人物乃與諸郡不同。大抵荊州率敬鬼。尤重祠祀之事。隋書地理志

蕲春人性躁勁。風氣果決。包藏禍害。視死如歸。此則其舊風也。自平陳之後。其俗頗

變。尙淳質。好儉約。喪紀婚姻。率漸於禮。同上

荆湖北路。江陵鄂州德安復州峽州歸州荊門漢陽壽昌農作稍惰。多曠土。俗薄而質。歸峽信巫鬼。重淫祀。

常下令禁之。宋史地理志

立春。親朋會宴。啗春餅生菜。貼宜春字。剪綵爲燕戴之。或錯緝爲幡勝。謂之春幡。荆楚

歲時記

正月一日。是三元之日也。鷄鳴而起。先於庭前爆竹。以辟山臊惡鬼。貼畫雞戶上。懸

韋索於其上。插桃符其旁。百鬼畏之。同上

正月一日。長幼悉正衣冠。以次拜賀。進椒柏酒。飲桃湯。進屠蘇酒。膠牙餠。下五辛盤。

造桃板著戶。謂之仙木。凡飲酒次第。從小起。同上

正月一日。以錢貫繫杖脚。迴以投糞帚上。云今如願。同上

正月七日。爲人日。以七種菜爲羹。同上

食煎餅於庭中作之曰薰天。荆楚歲時記注

人日剪綵爲人。或縷金箔爲人以帖屏風。亦戴之頭髻。又造華勝以相遺。登高賦詩。

荆楚歲時記

人日夜多鬼鳥。曰夜行遊女。有小兒家。不可露衣物。此鳥夜飛。以血點之。兒輒癩。又有鬼車鳥。能入人家。收人魂氣。荆人夜聞其聲。則滅燈。打門振狗。所以厭之。同上

正月十五日迎紫姑。以下將來蠶桑。並占衆事。同上

江淮間俗。尙鬼歲正月。必衣服箕帚。爲子姑神。或能數數畫字。東坡集

黃之僑人郭氏。每歲正月迎子姑神。以箕爲腹。箸爲口。畫灰盤中爲詩。敏捷立成。

江陵舊俗。孟春望夕。高列綵燈。士女緣江喧闐縱觀。西陽雜俎

於頤爲襄州。點山燈一。上油二千石。傳載

盛之相遺於人。以敦故舊之情。風土記

上己日取鼠麴汁密和粉。謂之龍以厭時氣。荆楚歲時記

去冬節一百五日。卽有疾風甚雨。謂之寒食。禁火三日。造餠大麥粥。同上

寒食鬪雞。同上

寒食打毬。同上

四月有鳥名穫穀。其名自呼。農人候此鳥。則犁杷上岸。同上

夏至節日食糴。是日取菊爲灰。以止小麥蠹。同上

五月五日採艾以爲人懸門戶上。以禳毒氣。同上

五月五日以五綵絲繫臂。名曰辟兵。同上

五月五日用蘭湯沐浴。同上

五月五日競渡。同上

屈原以五月望日赴汨羅。土人追至洞庭不見。湖大船小。莫得濟者。乃歌曰。何由得渡。湖因爾鼓櫂爭歸。競會亭上。習以相傳。爲競渡之戲。其迅櫂齊馳。櫂歌亂響。喧振水陸。觀者如雲。諸郡率然。而南郡襄陽尤甚。二郡又有牽鈎之戲。云從講武所出。楚

將伐吳。以爲教戰。流遷之改。習以相傳。鉤初發。皆有鼓節。羣譟歌謠。震驚遠近。俗云。以此厭勝。用改豐穰。其事亦傳於他郡。梁簡文臨雍部。發教禁之。由是荆楚於社日。以豬羊肉調和其飯。謂之社飯。以葫蘆是頗息。隋書地理志

袁宏道。午日沙市觀競渡詩。金鱗折日天搖波。壯士磨旄鳴大鼉。黃頭胡面錦抹額。疾風怒雨鬼神過。渴蛟飲河貌觸石。健馬走阪丸注波。傾城出觀巷陌隘。紅霞如錦汗成河。妖鬟袖底出巾冠。顛白髻下立青娥。朱閣玲瓏窗窈窕。輕言倩語隔紅羅。北舟絲管南舟肉。情盤景促歡奈何。雲奔浪激爭撫掌。亦有父老淚滂沱。渚宮自昔稱繁盛。二十一萬肩相磨。西酋中璫橫幾載。男不西成女廢梭。琵琶賣去了官稅。健兒半負播州戈。笙歌沸天塵捲地。光華較勝十年多。耳聞商禁漸遲緩。努力官長燭煩苛。太平難值時難待。千金莫惜買酒醪。君看至德中興後。幾人重唱天寶歌。中郎集

五月五日。四民並蹋百草。又有鬪百草之戲。荆楚歲時記

六月伏日。並作湯餅。名爲辟惡。同上

七月七日。爲牽牛織女聚會之夜。是夕。人家婦女。結綵縷。穿七巧孔。鍼陳瓜果於庭中。以乞巧。同上

七月十五日。僧尼道俗。悉營盆供諸佛。同上

蕲俗七月朔夜。於景佑真君廟。伐鼓吹螺。以小鉦巡於市。名放兵。望夜如之。名收兵。兵謂鬼也。此十五日。土庶家各祭亡者。又自九夜至望日。七日內。斂錢作佛事。所謂烏藍盆拏道書。云中元考校也。有司皆出行香。白茅堂集

顧景星詩。雙星既已別。孤月又不圓。涼颼動四野。淒咽鳴寒蟬。草根上清露。隧道聞流泉。叢冢無人行。新故皆荒阡。禮魂本楚俗。設食哦靈篇。花燈散川陸。唱歎盟諸天。吹螺高烏鳥。擊鼓聲淵淵。何以名收兵。此名絕可憐。鬼中有國殤。聞螺來獨先。死時鼓角急。魂聽猶辛酸。幽冥莫能拔。救度惟真仙。爲我謂司牧。此理殊不然。惟常保民命。薄海無戈鋌。苦酒消獄蟲。况乃王化恬。

七月十五日。僧尼坐草爲一歲。云四月八日結夏至。

荆楚歲時記

七月十五日。解衆僧。以長養之節在外。恐傷草木虫類。故九十日安居。

荆楚歲時記

八月十四日。民並以朱水點小兒頭。名爲天灸。以厭災。

同上

八月十四日。以錦綵爲眼明囊。遞相餉遺。

同上

九月九日。四民並籍野飲宴。

同上

十月朔日。黍臠。俗謂之秦歲首。

同上

十二月八日。爲臘日。諺語臘鼓鳴。春草生。村人並擊細腰鼓。作金剛力士。以逐疫。

同上

楚俗尙鬼。而儺尤甚。蕲有七十二家。有清潭保中潭保。張王萬春等名神。架銅鑲金。腰製如橈。刻木爲神首。被以綵繪。兩袖散垂。項繫雜色紛帨。或三神。或五六七八神。爲一架。黃袍遠游冠。曰唐明皇。左右赤面塗金粉。金銀兜鍪者三。曰太尉。高髻步搖粉臙而麗者。曰金花小娘。社婆髻而翁者。曰社公。左騎細馬。白面黃衫。如俠少者。曰馬二郎。行則一人肩架。前導大蠶雉尾雲罕。爆梨格澤等旗。曲蓋鼓吹。如王公迎。

神之家。男女羅拜。蠶桑疾病。皆祈問焉。其徒數十。列幃歌舞。非詩非同。長短成句。一唱衆和。嗚咽哀惋。隨設百獻。奉太尉。歌躍幢上。主人獻酬三神。醉主人。主人再拜。須臾。二蠻奴持繼盤。辟有大獅。首尾奮迅而出。奴問獅何來。一人答曰。涼州來。相與西望而泣。作思鄉懷土之歌。舞畢。送神鼓吹偕作。先立春一日。出神於匱。具儀簿。隨土牛後。春分後藏焉。崇禎末。無復舊觀矣。顧氏勸州志

顧景星鄉儺詩。春社作已畢。土風尙儺驅。雲旂夾翠罕。鉦鼓趨中衢。婦稚候門喜。羅拜陳牲醢。田蠶及雞彘。禳祝憑神巫。雕幾列神像。被以紅錦綈。中坐天寶帝。左右雙明姝。太尉復何人。題額黃金塗。鳳胄雷將軍。位與睢陽俱。卽君白玉面。細馬腰雕弧。酒酣招百戲。囉嘖何紛拏。假獅西涼舞。髻髯騎蠻奴。似聞涼州破。西向悲唏噓。千秋事已往。此舞胡爲乎。旣非周禮制。法部仍荒蕪。祈年比蜡臘。鄉黨聊歡呼。獻酬若大酺。瓮中寧有無。白茅堂集

歲時爲藏鈎之戲。荆楚歲時記



臘祭後。以藏鈎爲戲。分二曹。以決勝負。手各藏物。採取之。如寄一人。則往來於兩朋。謂之藏鴟。口言起於鈎戈也。西陽雜俎

舉人高映。善意彊。成式嘗於荊州藏鈎。每曹五十餘人。十中其九。映言但意舉止容色。若察囚視盜也。同上

歲暮。家家具肴。歡詣宿歲之位。以迎新年。相聚酣飲。荆楚歲時記

### ●武昌

鄂土沃民剽。唐書崔郾傳

士以文辭相高。有六朝之體。柳拱辰郡守題名記

蘇軾與朱鄂州書。岳鄂間田野小人。例只養二男一女。過此輒殺之。尤諱養女。以故民間少女多鰥夫。初生輒以水浸殺。其父母亦不忍。率常閉目背面。以手按之。水盆中。呶嚶良久乃死。願使令佐各以至意。誘諭地主豪戶。貧甚不能舉子者。薄有以鬻之。但得初生數日不殺。雖勸之使殺。亦不肯矣。東坡集

武昌五方雜寓。家自爲俗。

明一統志

江夏風氣樸茂。被服飲食。皆適豐約之中。

南中記聞

武昌土地確。人民淳厚。

圖經

嘉魚農以立本爲業。士以有用爲榮。

縣志

蒲圻戶尙詩書。士安誦讀。

縣志

咸甯人多勁悍決烈。

府志

崇陽舍末務本。俗習雅儉。

舊志

通城務農力本。

縣志

興國民醇。往往囹圄盡閉。桎梏不施。

宋知軍周紫芝記

其民銳於治生。怯於私鬪。故易爲政。士篤於好學。而恥於浮靡。故昌語道。

歐陽修學記

大冶風氣淳厚。實爲江湖之奧區。

府志

通山士尙剛毅。民多樸野。舊志

●漢陽

漢陽民性勁直決烈。多行仁義。有歷世不分者。明一統志

士大夫學古高蹈。雖貧乏之家。亦志儒業。恥他途孱弱之民。亦力耕漁。薄商販。獨尙

巫崇佛。負性使氣。乃其故習云。湖廣總志

街居婦女多事剪繡。鄉農之家。勤於紡績。每入夜登機。旦卽成匹。同上

漢川民樸略。春夏力農。秋冬業漁。舊志

春水泛漲。遷於原隰耕墾。秋冬涸。遷近湖泊。網罟以自給。同上

山川平易。人民樸野。尙儉嗇。鮮華麗。士皆向學。問頗有淳風。同上

孝感濱湖。負山。其山聳拔。故氣多亢爽。其水清折。故人多穎秀。縣志

五鄉業各不同。白雲之人。負山耕種。射獵採藥。燒炭漬以自贍。郭下地瘠。人纖。氣勁

易鬪。廣陽諸趙宏樂。地濱湖。有漁利。其性靡。無積聚。然子弟好學。同上

黃陂民皆勤農桑。寡游販。駸慕儒術。府志

途鮮游女。賈人行客。過其都。未嘗見婦女面。惟朝夕勤織紡而已。縣志

沔陽地鹵民貧。以耕漁爲業。萑葦之藪多盜。州志

耕尙鹵莽。雖廣種而薄收。婚略禮文。每多贅而少娶。疾患則歛貲相恤。死喪則歌鼓雜哀。舊志

李濂沔陽紀俗詩。懈郭潛湘曲。風流自昔稱。家家住水閣。日日下魚罾。雲溼常垂雨。湖寒未見冰。風微鷗戲藻。沙靜鷺銜菱。翎羽充王貢。魚蝦入歲徵。蓮舫秋竟泛。竹檻晚凭□。陸羽風如在。靈均恨不勝。漢唐兵未到。吳楚勢相乘。地僻逢迎少。江清賞宴仍。羔羊懷漢詠。琴瑟對漁燈。放柁初猶怯。垂綸近亦能。疎狂叨守牧。高興益峻嶒。集

● 黃州

黃州在大江之側。雲夢澤南。古有蠻風。今盡華俗。戶不滿二萬。稅錢纔三萬貫。風俗

謹樸。法令明具。久無水旱疾疫。人業不耗。謹奉貢賦。不爲罪惡。

杜牧黃州刺史謝上表

黃州山水清遠。土風厚善。其民寡求而不爭。其土靜而文。樸而不陋。雖閭巷小民。知

尊愛賢者。

東坡集

近聞黃州小民貧者生子多不舉。初生便於水盆中浸殺之。黃之士古耕道。頗誠實。喜爲善。乃使率黃人之富者。歲出十千。使耕道掌之。多買米布絹絮。使安國寺僧繼蓮。書其出入。訪閭里小民有貧甚不舉子者。輒以遺之。若歲活得百箇小兒。亦閒居一樂事也。黃人二三月皆羣聚謳歌。其詞固不可分。而其音亦不中律呂。但宛轉其聲。往反高下。如雞唱耳。同上

黃岡淳質多儉約。地有漁稻之利。農惰而田事不修。

明道雜志

東弦鄉。其民淳樸。征賦常先。還和鄉生理儉樸。無耳目之觀。永甯鄉民皆盡力田畝。棧布相守。慕義鄉其田薄收而深耕。賦稅亦不敢乾沒。窮鄉下逕。挾書相望。庶安鄉民生土瘠。刁悍相仍。五重上鄉山川靈秀。地氣凝聚。衣冠之族多在此。五重下鄉目

不知書而多深耕易耨之日。中和鄉田瘠下下。其民生事遼闊。明王一鳴黃岡論

黃岡農力耕種。士尚氣節。無依阿渙泄之習。府志

黃安本黃岡麻城黃陂三縣分。土俗亦大都近之。民多悍獷而不馴。舊志

黃安民生頗爲殷盛。昔患萑苻。今則駸駸文物矣。府志

蘄水氓俗富庶。秀民樂於爲儒。而不輕擇其業。彬彬喜學。有鄒魯遺風。宋關詠神光觀記

蘄水善田事。勤女工。富人尤多畏法。府志

羅田崇巖遂谷。其力專務本。用亦節儉。同上

麻城士風厚。善樂於爲儒。出重名節。處尙廉恥。同上

蘄州風氣和平。獄訟稀少。宋秦觀代蘄州守謝上表

蘄州務稼穡。習詩書。府志

蘄俗以六月某日。賽二郎神。一人前導。山民呼行者。舉行者名。則元人小說所載孫悟空也。是日蘄人無遠近。皆來就觀。輟市肆。肅衣冠。立於門。出隻雞百錢爲壽。必請

命於行者。以致於神。一不與。則行者機變畢動。趨捷若生。擊人屋瓦。器皿應手皆碎。乾隆十九年。知州錢鑒。悉取像焚之。二郎神爲故。甲乙存稿

廣濟淳龐近古。然任氣尙俠。府志

黃梅民俗力農。不事商賈。游俠柔弱。畏訟。士習禮教。勤學而文。樸而不陋。明曾維倫風教論

其風俗大端。土廣人稀。水鄉苦潦。旱鄉苦旱。一歲之入。不足支所出。以故輸賦不能。前其士平居。恆嘯咭守其師說。而好異之士。又雜通詭奇。至其兢兢畏法。與齊民等。同上

莊樓黃梅雜詠四首。試說黃梅縣。黃梅古佛場。千年開寶掌。五葉度慈航。梵唄僧徒集。祈求士女忙。移風端有待。先爲課農桑。試說黃梅縣。黃梅景物幽。有山皆北向。無水不西流。附郭魚蝦集。瀕湖杭稻秋。勸農曾夙駕。屋角喚雙鳩。試說黃梅縣。黃縣水滿湖。霜風吹穰穗。晴雨響菰蒲。魚網家家下。香醪處處沽。太平原有象。詎忍迫追呼。試說黃梅縣。黃梅本楚東。人行紅樹裏。鳥語翠微中。摘茗

乘朝霞。縹絲待曉風。山川淳樸處。教授愧文翁。晚嵒詩稿

● 德安

安州士民純秀。幾同鄒魯之風。宋滕市表

士多秀傑。民多隱德。宋周必大

余昔知安州。見荆湘人家。多以草竹爲卜。楚辭云。索瓊茅以筵尊兮。命靈氛爲余卜。

之。其注曰。瓊茅。靈草。筵。小破竹。楚人名結草折竹而卜。曰筵靈氛。古明吉凶。右蓋因

遺俗之舊也。文昌雜錄

安陸風土淳厚。湖廣總志

雲夢知遵禮法。女婦無游冶之風。舊志

應城風俗其性固。其俗醇。男不輕商。女惟紵織。府志

隨州地既瘠枯。民給生不舒愉。雖豐年大族厚聚之家。未嘗有樹木池沼之樂。以爲

歲時休暇之嬉。宋歐陽修李

秀才園亭記



隨州并閭沔穆戶箠黨塾頗爲古道之遺。府志

應山之俗好學而文純靜有恥。張耒四賢堂記

其民秀而文其俗樸而儉。元魯瑤碑

### ●安陸

竟陵爲藩鎮重寄人物與他郡不同。隋書地理志

石城樂宋臧質所作也。石城在竟陵質爲竟陵郡於城上眺矚見羣少年歌謠

通暢因作此曲。唐書樂志

臧質石城樂生長石城下開窗對城樓城中諸少年出入兒衣投陽春百花生

摘插環髻前挽指踢忘愁相與及盛年布帆百餘幅環環在江津執手雙淚落

何時見歡還大艗載三千漸水丈五餘水高不得渡與歡合生居聞歡遠行去

相送方山亭風吹黃蘗藩惡聞苦離聲。樂府詩集

莫愁出於石城樂石城有女子名莫愁善歌謠故石城樂和中復有忘愁聲。詩